

唐縣志卷十

藝文志

著述

碑碣

著述

立言垂訓翼經傳扶世教也故稽諸史志恆以經籍居
藝文之首卽或文字詩詞感時觸懷抒其所得亦關一
時之利弊足備此邦之文獻斷章零句固可傳哉今採
其詩文已附各條復卽邑人之哀然成集者彙錄篇目
庶竹簡丹鉛不致灰飛煙盡志著述

石子十卷

北齊石曜撰

墨莊集十卷

金張邦基撰

四書義三十六卷詩傳十二卷

元許雲漢撰

嘉靖唐縣志八卷

明知縣孫廷臣邑人劉乾杜庭芝楊鷄同修

明孫廷臣序略縣之有志猶國之有史也史之作亦難矣非有史才史學史識具者不能予知唐縣而縣無志曰典章墜矣邑中適有依親進士易菴劉子其水村楊子雪溪劉子又鄉舉中之閱於文者也於是擇良餽館盛禮以聘幸而三先生者之不予拒也卽登館而爲之立規模於宏遠綴條目於精詳窮物渺於幽深收遺文於斷爛扶綱紀於正大示褒貶於隱微雖其心不出於百里之內而上下馳騁於千百年之間分析約要於千萬事之際亦勞矣然不旬日而成亦又奇偉然其文奇崛古奧則易菴劉子之所長也而參互考訂刪竄潤色之力則水村雪溪甚不苟哉嘉靖十七年九月

琢齋漫稿三十二卷

明劉瑜撰

易庵雞士集

無卷數

二集

未刻

明

劉乾撰

萬厯唐縣志二冊

明知縣楊一桂邑人張所聞同修知縣黃巍校刊

明楊一桂序略夫邑必有志非徒記事而已監往示來補偏救敝致治保泰之大脈也志闕則治脈絕治脈絕則民生悴固不重與癸酉冬余任唐入其境睹蕭條窮迫之狀呼諸父老問故但云地瘠賦重爾率不能言所以求邑志觀之則闕有年矣一日左姓一道人執方策獻則嘉靖十七年邑人劉仲坤先生所編舊志也山川舊蹟宛然無殊而物力豐嗇法制煩簡今昔迥異矣六十年來事變莫尋茫然蒿日措治無自余深慨焉於是反而求之民事必商人必咨或與順流或與更始解紓其苛急而劑量夫有餘不足心長才短日不暇給會寬政久任八年不逢斥月累歲積利不加興而端已萌弊不加釐而竇已悉猛苛重困不加輕而害已具是以唐民故實之林也於是謀諸廣文韓先生上搜往跡近採時事芟煩就簡倫次分目民瘼風化之外卽天文地理亦略而不詳蓋志主瘠泰無暇迂及耳藁成以示韓先生先生謂余志以垂不朽也編中多近法瞬息成弊矣母乃不可久乎余應之曰否否法久生弊弊復生法法弊環相

生者也弊眼觀法凡法皆弊法眼觀弊凡弊皆法近
歲之法非自人立皆從弊出今卽具弊乎而因弊觀
變機自躍然引而伸之變而通之法當無窮謂今之
志弊爲志法亦可也蓋唐民之瘠而病久矣勢非可
以旦夕取效獨手奏功者吾爲詳狼狽呻吟之狀百
藥雜施難效之形以暴諸塗之人令耳而目之庶幾
仁人君子常憐而濟之方病其有瘳期乎余以常厭
夫貴古而賤今者效顰著作誇示文獻以施之瘠民
凍不可衣飯不可食痛楚不可以救藥是資章甫而
適越會不若變服者之猶可以拓地千里也先生聞
而唯唯余遂就草又遲而質之新令黃公刪訂之後
付諸梓人萬歷三十五年丁未冬月○明黃巍序略
安邑楊寒質公起家乙未進士丙申冬令唐邑至則
痛民凋敝惜文獻無徵殫精構思觀風問俗則一切
剗弊而更張之事立之制制揭之石其旨在不便民
毋便官甯損上毋損下令貧民沾惠毋令豪右肆志
此其大較也而又時以簿書之暇搜古登今延誚摅
摭蓋厯入稔穩括纂修邑志志成分上下二部二十
九類巨而廣谷大川禎祥妖祲靡不闡也纖而郊原
村落戶口物力靡不悉也遠而勦烈忠憤閨秀巷隱

靡不詳也近而簿書錢穀出入吏治民俗滄疵與夫
廢興存亡之跡更沿異同之故靡不紀也蓋猗與備
哉戊申春公以司馬郎待命西臺而以志授不佞魏
叅訂夫魏譙譙者也然旣代庖割奉蕭規吏習而民
安之則烏容諉是役夫今之爲治者日疲簿書鞅掌
奚計文獻存亡卽銳意矯修奉職而數循良之理揆
筆而事纂述之緒要不過沿舊法以應世載往規以
俟來夫誰能革故鼎新盡刷當世之弊軌公之修志
以志法也釐宿蠹謝奇羨夫非懸魚載石之操與易
田疇敷教化夫非文公化蜀之遺與相高下原隰濬
河渠廣利夫非史起慨鄴萬世之利與觀其言曰法
久則弊弊復生法公釐弊以立法善法以宜民長茲
邑者覽成志道成規本以實心世守勿失法其何弊
之與有則斯志也謂唐之典章可也語不云乎不習
爲吏視已成事巍也步趨瞠乎後矣因
不揣不文僭序於末簡萬厯戊申季春

河洲集四卷鄉彥家訓六卷

明劉汝器撰

有樵吟五卷

明劉汝器撰

肖巖詩集二卷

明王汝霖撰

康熙唐縣志十八卷

國朝知縣王政邑人張璵陳瑞同修

王政序略唐縣志者志唐縣之跡也跡爲昔之所已然者不志之無以鑒前跡爲今之所更定者不志之無以啟後然則志之所關顧不鉅哉舉夫天文分野川麓陵谷之大建置沿革廟祀戶口之重暨乎賢序人物節烈慷慨諸宏模吏治得失民生休戚諸軼事皆於是乎在修之烏容已也其志之宜因乎舊者固仍其跡而存之已顧有闕而未載載而未詳則當採以補之有今昔頓殊則當據今所現行而纂入者有舊志之後人物等項則當悉其端委以增定者若辭作者之名而勦襲陳說一概踵其事而仍其舊優孟衣冠良足悼已不佞政來蒞茲土嘗有意於縣志之修恭承仰奉

綸音

纂輯志書之檄爰同邑之賢人君子釐定而纂修之

遐覽述稽詳覈參訂或用增補或用刪入事必核實

語必有據稿屢易而事始告竣蓋其慎也政覽全志之所載大約瀟徹困疲之形多而豐亨豫大之象不

少概見知弊之所在而去之去之務必盡也毋泥已成之陋而貽刺於因循知利之所在而興之興之務必力也毋憚易輟之煩而遲迴於更始加意作養務使人才日益盛加意撫綏務使子遺日以滋通變宜民與時調劑所臻於盡善而後已若是者政雖未之逮也而竊有志焉因以自期而敬以告夫後之來蒞茲土者慎勿曰是誌也跡焉已耳爰爲之序以授剗厠氏康熙十一年壬子仲冬

重刊唐縣志十八卷

國朝知縣
吳紹校刊

吳紹琯序略夫志奚以立也凡山川之秀麗風俗之淳漓人物之異宜莫不於此而紀載之唐縣之志自明時默齋孫公延劉仲坤先生創之於始繼而楊黃二公相繼考訂唐志全矣年來時事更遷歲序闕失輒欲循舊跡而新章恐以篆署爲傳舍不暇爲纂述計昨曠旭王令奉有輯志之檄同邑諸君子爲之詳稽而備載之使問俗觀風不待聽觀擣編披閱懸括已盡猗歟休哉其分門立說定斷之中字不可易芟繁就簡不事靡飾用筆最古余協理上谷攝篆中山日與諸君子交領領久矣因而以縣志是求乃爲梓

人誤削再求馬君函輝張君指陳潤生諸名公細加較正又爲裁補於纂修之後更自精詳今董事者以序是囑余不自揣祝筆而述康熙十二年孟冬

尙書義十卷再祁詩集二卷

國朝崔士俊撰

三樂堂集十卷公餘草一卷四雅集四卷雪齋遺筆六卷

國朝陳

效元撰

穀堂稿前集八卷後集六卷

國朝左槃撰

哦松集

無卷數 國朝邱浚撰

續快篇一卷

國朝陳璠撰

四書寶筏八卷禮記集要三十卷岳麓堂全集

無卷數 國朝陳璠撰

撰

迂話七集

無卷數 國朝陳子仁撰

雍正唐縣續志略一冊

國朝知縣王恪邑人陳詩崔均劉文彥同修

石壁山房詩集四卷

國朝田中楷撰

以上諸書大半散佚特以部居寥寥故不復分經
史子集細目祇按世代次之如右

卷之二十一

碑碣

唐地多山而巉巖峻嶺間斷碣殘石嵌壁摩崖以及經幢貞珉流傳不少惜未能剔薺捫蘿博爲採輯耳然綴拾一二亦足資考證廣異聞爰甄綜之志碑碣

唐靈源寺佛經碑

正書在靈源山壽聖寺碑高丈餘凡五石前後並峙俱四面刻字筆勢英挺無一剝落額造佛像旁有大唐字無年月明一統志云唐上元二年刻石

第一石

金剛般若波羅蜜經前面字三十行每行六十六字兩

側每側字六行每行六十六字後面字三十行每行六十六字

第二石

妙法蓮華經序前面字三十行每行五十七字兩側每側字六行每行五十五字後面字三十行每行五十八字

第三石

蓮華經前面字三十行每行五十八字兩側每側字六行每行五十七字後面字三十行每行六十字

第四石

佛說無量壽觀經前面字三十行每行五十六字兩側
每側字六行每行五十七字後面字三十行每行字數
與前石同

第五石

大方廣佛華嚴經前面字三十行每行四十九字兩側
每側字六行每行四十九字後面字三十行每行字數
與前石同

唐賈浪仙詩刻

正書在柏巖山唐賈島撰并書無年月

宋普淨院碑

正書在軍城碑高四尺五寸寬三尺四寸不連額額題
軍城新修普淨下院記九字正書首行題天府進士郝
矩撰并書題額文十九行行三十五字文末空一字題
大宋嘉祐四年己亥歲四月乙丑朔十五日己卯記末
又銜名四行第一行低二十格題三班奉職監定州軍
城寨酒稅趙第二行低十九格題左班殿直定州軍城
寨兵馬監押李第三行題銀青光祿大夫檢校太子賓
客兼御史大夫內殿承制定州軍城寨主騎都尉京兆
縣開國子食邑五百戶願第四行低二十二格題沙門
瓊能立石空二字題楊慶刻石

碑陰

正書共十九行所載皆經管人題名並及寺基四至左
邊小字二行皆僧名上截左方副指揮牛元何澄紀福
正指揮張興四行並列又方有文十一行行十六十七
字不等言此碑於宏治十七年修寺取土園中所得末
行題是歲九月朔日四明鄭芳書

宋石香臺刻字

正書在東關舊志云崇正時東關河灘水漂觀音石像
及石香臺各一文云宋紹聖口年中山定武軍唐縣趙
母鄉共十五字泐一字乃移之教場

金賜大明禪院牒

行書在本寺石高二尺四寸寬二尺七寸文列九行第一行題尙書禮部牒五字第二行牒奉二字第三行勅賜大明禪院牒至准七字第四行勅故牒三字第五行低一格朝請大夫行太常丞權員外郎劉十三字第六行中憲大夫行員外郎李九字劉字下有花押第七行擡半格郎中二字第八行侍郎二字與郎中字平列第九行頂格奉上農部尙書兼翰林學士承旨知制誥信國公王二十字王字下有花押第一行第二行中間有小字三行定州唐縣從化鄉東眉村壽聖寺僧文義狀

告本鄉蠶舍村有佛堂第一行壹座自來身與僧秘溥善

慶同共住持別無名額已納訖合着錢數第二行乞立大

明禪院勘會是實須合給賜者第三行又第五行第六行

中間小字一行大定三年二月十五日令史向主事安

十五字向字下有花押安字下同按石末行書奉上農

部等字筆勢橫長字寬三寸五分大三分二分不等惟

制字寬四分大一寸此是官刻木截用於牒尾者猶今

之批飭文牒用官銜某也故字皆扁刻

金大明禪院碑

正書在葛洪山南末題大定十九年歲次己亥中秋日